

# POVODOM IZVJEŠTAJA SLAVKA PAVEŠIĆA O PROUČAVANJU GOVORA U SELU OČEVICI I VIJACI U BOSNI

(objavljeno u Ljetopisu JAZU, knj. 67, str. 298–304)

Izvještaji ovakvog tipa kao što je gore pomenuti svakako ne pretenduju na veliku opširnost i na iscrpljivanje materijala, ali im je ipak dužnost da prezentiraju najkarakterističnije crte proučavnog govora, upravo da daju sve osobine koje su relevantne za strukturu govora i za određivanje njegove pripadnosti određenom tipu u užem i širem dijalektском smislu. Mada se autoru mora priznati da je izvještaj dat pregledno, te da su pobilježene gotovo sve najvažnije fonetske, morfološke i akcenatske osobine, a da je nešto i sintakske, ipak se mora primijetiti da je autor propustio da registrira izvjesne osobine ovoga govora koje su vrlo bitne za utvrđivanje njegove pripadnosti tuzlansko-fojničkom tipu.

Takođe je za žaljenje što autor nije naveo svoje informatore, jer bi to dopustilo da konstatovane osobine budu u pogledu svoje stvarne vrijednosti objektivnije ocijenjene sa stanovišta njihove važnosti za opštu dijalektološku sliku bosanskih govora. Naime, upravo u Očeviji se osjeća izvjesno prodiranje tudiš govornih crta u jezik mlađih muškaraca koji rade na šumskim radovima, ili se bave prodajom svojih kovačkih proizvoda širom Jugoslavije, pa su tako izloženi čestim kontaktima koji ubrzavaju zabilješivanje nekih specifičnih jezičkih crta ovoga sela, što, međutim, kod žena, naročito starijih, nije slučaj.

Kod žena je tako sasvim obična jedna osobina koju autor nije zabilježio, mada je vrlo karakteristična za ovaj govor, a to je zadržavanje dvostrukne i jekavске zamjene jata ispred *j* u dugim slogovima kod glagola *smijati* se, kao npr.: *smijéjemo* se, *smijéjëš* se i sl., a isti refleks jata ostaje i ispred prelaznog *j* u hijatu, nastalom poslije ispadanja *h*, u primjeru *priko lijéja* (informatori: Jakić Ruža i Katuša Lukić, između 50 i 60 god.). Međutim u primjerima *na grijе*, *od smija* imamo *i*.

Uzgred neka bude zabilježeno da se pored ekavizma *slezena* u Očeviji sreće i oblik *dëtelina*, prema književnom jekav-

skom *djëtelina* (iskonski je oblik, međutim, *dëtelina*).

Cini nam se da je u vokalizmu svakako još bilo potrebno pomenuti vokalsku alternaciju *a* sa *i* u komparativima pridjeva *dàlek* i *màlen*, tj. *dile* i *miñe*, kao jednu od specifičnosti bosanskih govora, koja se čuje i u ovom selu.

U oblasti vokalizma treba primijetiti da je *jer*, odnosno *ijer*, od *ir* zastupljeno mnogo šire nego što bi se to moglo zaključiti prema navedenim primjerima. Kao karakteristični mogu se navesti ovi primjeri: *se razabijera*, *nëk nàmijere*, *smijérít*, *pijér*, *izvijerá*.

Autor nije, takođe, zabilježio veoma karakterističnu osobinu ovoga govora u pogledu jotovanja, a to je čitav niz primjera neizvršenog novog srpskohrvatskog jotovanja, kao: *súdje*, *brátja*, *rödžaci*, *lédja*, kojima se mogu pribrojati i primjeri kao što su: *bàbjá*, *dívji* i sl. koje je autor svrstao pod podnaslov *Oblici*, tj. kao morfološku kategoriju.

U oblasti konzonantizma relevantna je i osobina fonema *p* mjesto *f* književnog jezika, koja se sreće u ovom govoru, mada su seljani, svjesni da se ova njihova osobina često izvrgava ruglu, skloni da je namjerno izbjegavaju, ali im ipak primice, pa se čuje ne samo *pàbrika*, *pràtri* i *pìskultura*, nego i: *čàršap*, *pála bögu*, *Práno*, *pòpureno*, *trí priála sáta* i sl., što će za ovaj govor svakako biti iskonjske.

Osim toga, mijenjanje artikulacije *p* u *v* u određenim suglasničkim skupovima izgleda da je nešto šire rasprostranjeno nego što je naveo autor, pa se sreće osim u leksemi *tèvsija* i u primjerima *lëvši* i *lòvta*.

Na kraju nam se čini da posebno treba skrenuti pažnju na činjenicu da ovaj govor odlično podnosi hijat, te da ga relativno rijetko popunjava prelaznim glasom, pa se tako pored primjera kao što su: *plão*, *sòama*, *müe*, *na Dùove*, *låori*, *rüo*, *strëa* sreće i *Miolđän*, *mìovi*,

*pria, stòi, tròici* i sl., a zanimljivo je da se javlja i zijev, nastao ispadanjem glasa v, u primjeru *pùali*.

Ovim, naravno, nisu pobrojane sve osobnosti ovoga govora koje bi po nečemu mogle biti zanimljive, a to nije ni

bila svrha, nego je samo skrenuta pažnja na one specifičnosti koje doprinose tome da opća slika bude cjelevitija, a s tim time i upotrebljivija za dijalektologa.

Herta Kuna

**Ernesto Giamarco, DIZIONARIO ABRUZZESE E MOLISANO. Volume primo A-E,**

Edizioni dell'Ateneo, Roma 1968, str. XXXVIII + 738, s 1 geografskom kartom.

I romanistika i italijanistika obogatile su se ovih dana prvim sveskom DAM-a, značajnim pothvatom talijanske dijalektološke leksikografije. Za njim će uskoro slijediti sv. II (F-M), III (N-P), IV (Q-Z) i V (*Appendici*). U zadnjem će svesku biti obradeni etnici, ktečici i toponiemi, a sadržavat će i ilustrirani dio (»*Parole e cose*«) te sekciju etimoloških tumačenja (od G. Alessia).

E. Giamarco (rođ. 1916) bio je donedavna privatni docent na Univerzitetu u L'Aquila, a sad predaje talijansku dijalektologiju na novoosnovanom Filozofskom fakultetu u Pescari. Autor je velikog broja knjiga i radova iz lingvistike, etnografije i regionalne povijesti književnosti a ponajviše u vezi s njegovom užom domovinom, oblašću Abruzzo i Molise. Prva riječ svake natuknice tog monumentalnog rječnika oblik je koji se govori u njegovu rodnom mjestu Introdacqua (pokrajina L'Aquila), a za njim slijede, praćeni simbolima mjesta gdje su zabilježeni, svi oblici koji se od njega razlikuju formom ili značenjem. Autor je gotovo dva decenija (od 1948. do 1966) studirao govore te regije u 585 lokaliteta. Uz obilje gramatičkih i semantičkih obavijesti svaka natuknica sadržava i folklornog materijala (npr. poslovice, pjesmice, izreke, formule koje se upotrebljavaju u dječjim igrama i sl., većinom dosad neobjavljeno). Autor je uzeo u obzir i gradu koju su izdali stariji leksikografi i srednjovjekovne latinske dokumente, nastale u toj oblasti (od 10. st. dalje), a u terenskom se radu služio upitnikom od oko 4.000 pitanja, koji je dobio kombinirajući kvestionare po kojima su radeni AIS i ALI i onaj po kome se sada vrše istraživanja CDI.

Na čelu tog sveska objavljena je karta koja prikazuje obradena mjesta, bibliografija (posebno za svaku od pet provincija zone) te sigle za svako mjesto. G. obraduje i talijanske govore dvaju sela u kojima žive moliški Hrvati: Kruč, (tal. Acquaviva Collecroce) i Stifilič (S. Felice del Molise). Nije obradio selo Mundimitar. Ne znam ima li obradeno selo Schiavi d'Abruzzo (Chieti) veze s nekim našim izumrlim naseobinama. Na žalost dosad nisam uspio utvrditi u DAM-u mnogo sigurnih hrvatskih tragova, što ne znači da ih neće biti više u ostalim svescima, kako mi je autor privatno saopćio. Vjerojatno će se tu pojaviti neke od riječi koje su se sačuvale na obližnjem poluotoku Monte Gargano gdje danas nema više Hrvata, npr. refleksi od *zelembać, gušter, plašljiv* > *chiasimo, kladra* > *chioda, skakavac, curica, žalo* i sl. (usp. G. Rohlfs, »*Ignore slave sulle coste del Gargano*«, *Mélanges linguistiques offerts à E. Petrovici par ses amis étrangers à l'occasion de son soixantième anniversaire, Cercetări de lingvistică III*, Cluj 1958, Supliment, str. 409-413; M. Hraste, »*Nepoznate slavenske kolonije na obalama Gargana*«, *Kolo I*, Zagreb 1965, str. 612-617, G. Reichenkron, »*Grundsätzliches zum Problem des Serbokroatischen in Südalien*«, *ZfBalK. II*, 1964, str. 135-144).

Na drugom pravcu, tj. što se tiče posuđenica i kalkova talijanskog porijekla u govorima obalske hrvatske, novi će rječnik biti od velike koristi. Njegovom pojавom, dvije krajnje tačke jadranske elipse: Mleci i Apulija, koji se – osobito prva – zahvaljujući velikom broju dobrih rječnika i drugih pomagala – dosada uživale privilegirani položaj u studijama